



本著作以創用CC「姓名標示-非商業性-禁止改作」4.0國際授權條款釋出。  
詳細授權條款，請至 <http://creativecommons.org/licenses/by-nc-nd/4.0/>。  
資料來源：教育部電子報「閱讀趣聞客語」專欄 <http://epaper.edu.tw>。

閩／生活／☆☆★★

## 收成

蹣庄跤閣毋種作，無種菜也無栽果子，定定予朋友笑我懶屍。毋過，含著目屎種作的，今仔日歡喜咧收割。恁看，兩粒紅龍遮古錐，紅肉的喔！

人阮較早嘛捌骨力過，親像共番薯藤插落塗，毋過，天光一下看，番薯藤仔早就予鵝仔叨出塗面，干焦葉仔留佇塗跤。嘛捌簡單共菜園圍起來，下班轉來，阮兜的鵝仔阿 Bi 嘛是見青就叨，無帶念我飼伊十外年的情義……。其實我嘛誠感謝阮阿 Bi，伊掩護我的懶屍。

若講著種果子，頭前埕的土樣仔佇三冬前賸焦桮。若想起往過的樣仔青恰在欖紅的樹頭鮮，數念青春的酸甘甜，哎！往事莫提起！進前阮攏嘛擲長棍仔掛網仔咧挖樣仔，佇樹仔跤現擘現食，食甲樣仔汁啍啍滴才有夠氣。這馬賸焦去的樹桮，留咧予鳥隻歇，也通望樣仔桮止喙焦，吞喙攏罔止飢。

佳哉，阿母留予我的芭蕉猶原生炭甲誠奢颺，別人食「穩」的無稀奇，阮的「在欖黃」較成「自然派」的規矩。欲食在欖黃上無愛等四月日，著愛恰鳥仔相爭。當然阮是無咧客氣，規弓割入來吊懸較四序，囡仔恰大人袂輸猴山仔咧，一手一子。

這個季節，紅龍正著時，夠分的果子氣味足清甜。阮兜的紅龍，宛然是 NHK 的紅白大對抗，一人佔一角勢，看啥人較勢生。當初是清彩共插佇牆圍仔跤，毋捌共沃水。若有食無了的菜頭菜尾，倒落去就算壅肥。白肉的捌囡孫滿堂，毋過這幾年煞真無志氣，連一粒就毋甘生。

啊紅肉的咧？大箍把閣刺夯夯的紅龍兄，煞拚輸邊仔的拋藤姊，原因出佇我連去倒潘都懶屍。透早出門伊曝日，暗時入門伊賞月兼觀星。彼是好得佳哉伊有長志，毋才無焦焉去！

古早荏身命的紅肉，僣牢胎，花開甲嬌噹噹，煞毋捌生甲半粒通鼻芳，騙請害餓叫我做贛人。今年總算出頭天，生甲這兩粒幼秀的紅孩兒。

遙想古早人拍獵採集才有通食的艱難，我變甲真有勇氣。伸手欲共挽落來，哎哟！鑿著幾若枝刺。含著目屎種作的人，今仔日歡喜收割，趕緊展寶予逐家鼻芳一下。

作者：廖淑鳳

### ☆詞彙學習☆

- |   |   |
|---|---|
| 【懶屍】lán-si：懶惰。                            | 【壅肥】ìng puī：施肥。替植物灑放肥料。                           |
| 【叨】lo：又唸作 tho。指動物(如禽類或爬蟲類)搖頭晃腦以覓食或咬、啄的動作。 | 【蔫】lian：枯萎、乾枯                                     |
| 【帶念】tài-liām：體念、顧念。細心的體貼顧念。               | 【荏身命】lám-sin-miā：天生體質虛弱，容易生病。                     |
| 【桮】ue：樹幹的分支。                              | 【僣】oh：困難、不容易。                                     |
| 【挖】thà：用長尖的東西撥動、挑開。                       | 【鼻芳】phīnn-phang：聞其香味，卻不能吃。常用於向他人展示好東西或透露讓人羨慕的好消息。 |
| 【弓】king：計算弧形東西的單位。                        |   |
| 【子】jí/lí：計算香蕉的單位，等同於「根」。                  |   |